



Reykjavíkurborg
Umhverfis- og skipulagssvið

Reykjavík 12.11.2021

Borgarráð Reykjavíkur
Tjarnargötu 11
101 Reykjavík

Hér með sendist útskrift úr gerðabók skipulags- og samgönguráðs frá 10. nóvember 2021 varðandi eftirfarandi mál.

Reglur um notkun stöðureita í Reykjavík og gjaldtöku

Lögð fram svohljóðandi tillaga skrifstofu samgöngustjóra og borgarhönnunar, dags. 2. nóvember 2021:

Skrifstofa samgöngustjóra og borgarhönnunar leggur til að skipulags- og samgönguráð samþykki meðfylgjandi reglur um notkun stöðureita í Reykjavík og gjaldtöku. Reglurnar hafa verið bornar undir og samþykktar af lögreglustjóranum á höfuðborgarsvæðinu.

Samþykkt.

Vísað til borgarráðs.

Aðeyrnarfulltrúi Flokks fólksins leggur fram svohljóðandi bókun:

Skrifstofa samgöngustjóra og borgarhönnunar leggur til að skipulags- og samgönguráð samþykki meðfylgjandi reglur um notkun stöðureita í Reykjavík og gjaldtöku. Gott er að áhersla er lögð á að stæðin verði vel merkt sem gjaldskyld svæði, en á því hefur stundum verið misbrestur, einkum þegar aðrar framkvæmdir standa yfir. Tækniþróun hefur vissulega orðið á gjaldtöku en samt sem áður á ekki að gera ráð fyrir að allir geti nýtt sér nýjustu tækni við greiðslu. Fyrir suma eru þessir mælar flóknir og ekki allir treysta sér til að nota síma app eins til að greiða fyrir bílastæði. Nú er þannig komið að eldra fólk, íslendingar sem búa utan miðbæjar koma hreinlega ekki lengur niður í bæ. Þetta hafa margar kannanir sýnt. Þetta er sorgleg þróun. Fyrir kynslóðina sem nú er komin yfir sextugt var miðbærinn vinsæll hér áður og þótti skemmtilegur heim að sækja.

F.h. umhverfis- og skipulagssviðs

Glóey Helgudóttir Fimmsd.

Glóey Helgudóttir Fimmsdóttir



Skipulags- og samgönguráð
Borgartúni 12 – 14
105 Reykjavík

Reglur um notkun stöðureita í Reykjavík og gjaldtöku

Skrifstofa samgöngustjóra og borgarhönnunar leggur til að skipulags- og samgönguráð samþykki meðfylgjandi reglur um notkun stöðureita í Reykjavík og gjaldtöku. Reglurnar hafa verið bornar undir og samþykktar af lögreglustjóranum á höfuðborgarsvæðinu.

Núgildandi reglur eru frá 1988 og því ljóst að reglurnar eru orðnar að mörgu leyti úreltar þar sem margt hefur breyst á rúmum þremur áratugum. Þar má helst nefna að ný umferðarlög voru sett árið 2020, innri og ytri stjórnsýsla hefur breyst mikið á þessum árum og síðast en ekki síst hefur orðið mikil tækniþróun sem hefur haft áhrif á greiðslulausnir stöðu- og miðamæla.

Þau drög sem nú eru lögð fram, fela í sér talsverðar breytingar á orðalagi frá núgildandi reglum þar sem þær eru færðar í nútímalegra horf. Ekki er um að ræða breytingar frá núverandi framkvæmd en helstu breytingar í drögunum eru eftirfarandi:

1. Gildissvið reglanna er afmarkað betur.
2. Að fjárhæð gjalds skuli miðast við að standa straum af byggingakostnaði, viðhaldi og rekstri stöðureita í samræmi við ákvæði umferðarlaga.
3. Að auglýsa skuli ákvarðanir skipulags- og samgönguráðs um gjaldskyldu og gjaldskyldutíma með opinberum hætti sem og að ákvarðanir um gjald fyrir notkun stöðureita skuli auglýstar opinberlega í gjaldskrá.
4. Að gjaldskyld svæði skuli merkja með greinargóðum hætti.
5. Að handhöfum stæðiskorta fyrir hreyfihamlaða sé heimilt að nota stöðureit fyrir ökutæki sitt án endurgjalds, í samræmi við umferðarlög.
6. Að Bílastæðasjóði Reykjavíkur sé heimilt að bjóða upp á aðra greiðslumöguleika, eftir atvikum í samstarfi við þriðja aðila, enda innheimti sjóðurinn áfram fullt gjald fyrir notkun stæðanna sem renni óskert til borgarinnar. Með slíkum samningum felst ekki einkaréttur til innheimtu gjalds fyrir notkun eða framsal á rétti til notkunar stöðureita.
7. Að heimilt sé að leggja á aukastöðugjald í samræmi við ákvæði umferðarlaga sé ekki greitt fyrir notkun gjaldskylds stöðureits skv. reglunum.

Óskað er eftir að borgarráð auglýsi reglunnar í B-deild Stjórnartíðinda verði þær samþykktar þar.

Guðbjörg Lilja Erlendsdóttir

Guðbjörg Lilja Erlendsdóttir

Starfandi samgöngustjóri/Deildarstjóri samgangna

Hjálagt:

1. Reglur um notkun stöðureita í Reykjavík og gjaldtöku frá 1988.



Reykjavíkurborg

REGLUR

UM NOTKUN STÖÐUREITA OG GJALDTÖKU Í REYKJAVÍK

1. Reglur þessar gilda um notkun og gjaldtöku fyrir notkun stöðureita við götur og á opnum svæðum sem eru í eigu eða umsjá Reykjavíkurborgar.

Reglurnar gilda einnig um notkun og gjaldtöku fyrir notkun bílastæða á einkalóðum í umsjá Reykjavíkurborgar á grundvelli samnings.

Reglurnar gilda ekki um notkun eða gjaldtöku fyrir notkun bílastæða í bílahúsum í eigu eða umsjá Reykjavíkurborgar.

2. Skipulags- og samgönguráð Reykjavíkurborgar getur ákveðið að innheimta skuli gjald fyrir notkun tiltekinna stöðureita í eigu eða umsjá Reykjavíkurborgar. Við ákvörðun um gjaldskyldu skal tiltekið hvaða stöðureitur eða svæði er háð gjaldskyldu, á hvaða tíma og fyrir hvaða endurgjald.

Ákvarðanir skipulags- og samgönguráðs um gjaldskyldu og gjaldskyldutíma skulu auglýstar með opinberum hætti.

Fjárhæð gjalds skal miðast við að standa straum af byggingarkostnaði, viðhaldi og rekstri stöðureita, sbr. nánari skilgreiningu í umferðarlögum. Ákvarðanir um gjald fyrir notkun stöðureita skulu auglýstar opinberlega í gjaldskrá.

Gjaldskyld svæði skulu merkt með greinargóðum hætti.

3. Skyld er að greiða fyrir afnot af gjaldskyldum stöðureit á gjaldskyldutíma. Þó er handhöfum stæðiskorta fyrir hreyfihamlaða heimilt að nota stöðureit fyrir ökutæki sitt án endurgjalds.
4. Ávallt skal vera mögulegt að greiða fyrir notkun stöðureits með greiðslu í stöðu- eða miðamæli innan gjaldsvæðisins. Á skjá mælis skulu vera notkunarleiðbeiningar og greinargóðar upplýsingar um gjald, gjaldskyldutíma og fyrir hversu langan tíma er greitt.

Bílastæðasjóði Reykjavíkur er heimilt að bjóða upp á aðra greiðslumöguleika, svo sem með snjalltækjum og eftir atvikum í samstarfi við þriðja aðila, enda innheimti sjóðurinn áfram fullt gjald fyrir notkun stæðanna sem renni óskert til borgarinnar. Í samningum um greiðslulausnir má ekki felast einkaréttur til innheimtu gjalds fyrir notkun eða framsal á rétti til notkunar stöðureita.

5. Óheimilt er að nota gjaldskyldan stöðureit án heimildar samkvæmt framangreindu. Sé gjaldskyldur stöðureitur notaður án heimildar á gjaldskyldutíma, skal leggja á aukastöðugjald fyrir notkunina í samræmi við 109. gr. umferðarlaga nr. 77/2019.
6. Reglur þessar sem settar eru með heimild í 2. mgr. 86. gr. umferðarlaga nr. 77/2019, hafa hlotið samþykki lögreglustjórans á höfuðborgarsvæðinu og taka gildi við birtingu í B-deild stjórnartíðinda. Á sama tíma falla úr gildi reglur um notkun stöðureita í Reykjavík og gjaldtöku frá febrúar 1988.

**Samþykkt á fundi skipulags- og samgönguráðs þann XX. nóvember 2021
og á fundi borgarráðs þann XX. nóvember 2021.**

Reglur

um notkun stöðureita í Reykjavík og gjaldtöku.

Borgarstjórn Reykjavíkur hefur skv. heimild í 2. mgr. 83. gr. umferðarlaga nr. 50/1987 og að fengnu samþykki lögreglustjórans í Reykjavík, sett eftirfarandi reglur um stöðumæla í Reykjavík:

I. kafla.
Stöðumælar.

1. gr.

Borgarráð ákveður að fengnum tilögum umferðarnefndar hvar á götum og opnum svæðum skuli setja upp stöðumæla.

2. gr.

Stöðumælar geta verið ýmist einn fyrir hvert staði eða einn fyrir ótiltekinn fjölda staða. Skyli er að greiða fyrir afnot af stöðumælareit fyrir hvers konar vélknúin ökutæki.

3. gr.

Tekjur af stöðumælum renna í bílastæðisjód Reykjavíkur. Borgarráð ákveður gjald fyrir stöðu ökutækis á stöðumælareit og hvaða ökutæki megi standa þar lengi samfellt og á hvaða tíma gjaldskylda er. Lögreglustjóri getur breytt ákvæðum um gjaldskyldu þegar sérstaklega stendur á.

4. gr.

Ef mælar er þannig gerður að úr honum kemur miði með áletrun um þann tíma, er greitt var í hann eða þau tímamörk, sem greitt hefur verið til, skal ökutæður setja miðann á mælaborð við framrúðu bifreiðarinnar, þannig að áletrun á miðanum sé vel sýnileg utan frá.

5. gr.

Hver sem leggur ökutæki þannig að eigi er unnt að nota stöðumælareit fyrir annað ökutæki, skal greiða í stöðumælenn eins og ökutækioð staði á stöðumælareitnum sjálfum.

6. gr.

Á stöðumæli skal vera lettrad greinilega. Hve hátt stöðumælagjaldið er, til hve langs tíma staði er keypt, á hvaða tímum sé skyld að greiða í mælenn og hvernig mælennin sé settur í gang. Ekkert ökutæki má standa á stöðumælareit lengur en þann hámarkstíma, sem lettradur er á viðkomandi stöðumæli.

Bannað er að setja nokkurn annan hlut í stöðumæli en þá mynt, sem mælennin er gerður fyrir.

II. kafla.

Rekstur bílastæða og gjaldtaka fyrir notkun þeirra.

7. gr.

Gatnamálastjóri annast gerð almennra bílastæða ýmist á landi borgarsjóðs eða á landspíldum, sem sérstaklega eru teknar á leigu í þeim tilgangi.

Heimilt er að taka leigugjald fyrir bílastæði ýmist tímaleigugjald eða fast gjald.

8. gr.

Gatnamálastjóri annast gerð og rekstur sérstakra bílastæða fyrir ökutæki, sem bannað er skv. 3. mgr. 19. gr. lögreglusamþykktar að leggja á götum eða almennum bílastæðum borgarinnar á tímabilinu milli kl. 22.00 til kl. 06.00 ýmist á landi borgarsjóðs eða á landspíldum, sem sérstaklega eru teknar á leigu í þeim tilgangi.

Borgarráð getur ákveðið að notendur bílastæðanna skuli greiða fasta mánaðarleigu fyrir afnot þeirra og skal þá festa tímabilið með áritaðri notkunarheimild á ríðu viðkomandi ökutækis.

Öheimilt er að nota bílastæðin án heimildar skv. framanskráðu. Séu þau notuð í heimildarleysi skal greiða aukastöðugjald fyrir notkunina.

9. gr.

Heimilt er að semja við eigendur einkabílastæða um tímabundin afnot þeirra og útleigu til almennings.

10. gr.

Borgarráð ákveður gjöld fyrir afnot bílastæða, er fjallað er um í þessum kafla, svo og þann tíma sólarhrings, sem notkun er undanþegin leigu. Leigugjöld renna í bílastæðisjód Reykjavíkur.

Borgarstjórnin í Reykjavík.
febrúar 1988.

Forseti Íslands hefur samkvæm lagsmálaráðherra veitt Halldór lausn frá embætti ráðuneyttisjón málarsáðuneytinu fyrir aldurs sakin 1988 að telja.

Félagsmála
19. febrúar

Forseti Íslands hefur samkvæm málarsmálaráðherra skipað Pál J. Iechu, prófessor í vélaverkfræði við Háskóla Íslands frá 1. mars 1988.

Menntamála
20. febrúar

1.

Hinn 29. febrúar 1988 var Baldr língssyni, lögregladingi, veitt leyfi til ings fyrir héraðsdómi.

2.

Hinn 29. febrúar 1988 var Árna syni, lögregladingi, veitt leyfi til e fyrir héraðsdómi.

Dóms- og kirkjumála
29. febrúar 1988.

Óskila hross

Rangárvallasýsla.

Laugardaginn 27. febrúar 1988 var hryssa með jörpu fölsaldi. Mark hægna eyra. gæti verið sneiðrifað á Vinstra eyra styfi og fjóður. lausnarfrestur er til 27. maí 1988. Ú síma 99-5630 eða 91-10855.

8. mars 1988.
Guðrún Ellasda
hrepstjóri Dýc
Rangárvallasýs

Aðalfundur

Aðalfundur Útvegsbanka Íslands 1988 verður haldinn í Súlmasal Hór Hagatorg í Reykjavík, þriðjudaginn 1988 og hefst kl. 16:30.

Dagskrá:

1. Venjuleg aðalfundarstórf í sa ákvæði 28. greinar samþykktar
2. Hluthafar sem vilja fá ákveðið til meðferðar á aðalfundi skulu við ákvæði 25. greinar samþykkt gera skriflega kröfu þar að lú berast þarf til bankaráðs. Austri Reykjavíkur, í síðasta lagi 23. m. Aðgöngumíðar að fundinum og seðlar verða afhentir í aðalbunkanu úrstráti 19. 3. hæð, dagana 7. 8. 9. næstkomandi, svo og á fundarstað ganginn.

67. gr.

Bæjarráð ræður aðra fasta starfsmenn en þá sem greinir í 66. gr. nema á annan veg sé mælt í reglugerð eða reglum sem bæjarsjórn hefur sett.

68. gr.

Fastráðnir starfsmenn bæjarins skulu ráðnir til ákvæðins tíma með gagnkvæmum 3 mánaða uppsagnarfresti miðað við mánaðamót. Þeir hafa réttindi og skyldur opinberra starfsmanna sbr. lög nr. 38/1954 eftir því sem við á.

Gera skal skriflegan ráðningarsamning við fastráðna starfsmenn, þar sem m.a. skal kveðið á um ráðningartíma og uppsagnarfrest sbr. l. mgr. svo og starfssvið þeirra. Um kaup og kjör fer eftir ráðningarsamningi og gildandi kjarasamningum.

69. gr.

Bæjarsjórn ræður lausráðna starfsmenn í samráði við forstöðumenn stofnana og fyrirtækja bæjarins, eftir þeim reglum sem bæjarráð setur. Um kaup og kjör fer eftir kjarasamningum viðkomandi stéttarfélaga.

70. gr.

Afbrigði frá samþykkt þessari getur bæjarsjórn gert í einstökum tilfellum þegar nauðsyn ber til, ef 2/3 mættu bæjarsjórnarmanna samþykkir það.

71. gr.

Til þess að gera breytingar á samþykkt þessari þarf umræður á tveimur fundum í bæjarsjórn, samþykki meirihluta greiddra atkvæða og staðfestingu félagsmálaráðuneytisins.

Samþykkt þessi, sem bæjarsjórn Siglufjarðarkaupstaðar hefur sett, samkvæmt ákvæðum 3. mgr. 7. gr. og 49. gr. sveitarstjórnarlaga nr. 8/1986, staðfestist hér með til að öðlast gildi þegar í stað, og birtist til eftirbreytni öllum þeim sem hlut eiga að máli. Jafnframt er úr gildi felld samþykkt um stjórn bæjarmála Siglufjarðarkaupstaðar nr. 209/1979.

Félagsmálaráðuneytið, 12. febrúar 1988.

Jóhanna Sigurðardóttir.

Þórhildur Línal.

AUGLÝSING

um álagningu og innheimtu gjalds vegna stöðvunarbrota.

Samkvæmt heimild í 108. gr. umferðarlaga, nr. 50/30. mars 1987, hefur verið ákveðið að í Reykjavík fari álagning og innheimta gjalds vegna stöðvunarbrota einnig fram á vögum Reykjavíkurborgar.

Ákvörðun þessi gildir frá 1. mars 1988.

Dóms- og kirkjumálaráðuneytið, 26. febrúar 1988.

Jón Sigurðsson.

Ólafur W. Stefánsson.

From: [Vigdís Þóra Sigfúsdóttir](#)
To: [Jóhanna Guðjónsdóttir](#)
Cc: [Guðmundur Birkir Guðmundsson](#)
Subject: FW: Samþykki lögreglu vegna nýrra reglna um notkun stöðureita og gjaldtöku í Reykjavík
Date: þriðjudagur, 16. nóvember 2021 14:10:40
Attachments: [Drög loka Reglur um notkun stöðureita í Reykjavík.pdf](#)

Með kveðju/best regards

Vigdís

From: Guðbrandur Sigurðsson <gudbrandur.sigurdsson@lrh.is>
Sent: fimmtudagur, 4. nóvember 2021 13:49
To: Guðmundur Birkir Guðmundsson <Gudmundur.Birkir.Gudmundsson@reykjavik.is>; Vigdís Þóra Sigfúsdóttir <Vigdis.Thora.Sigfusdottir@reykjavik.is>; LRH:Fyrirspurnir <Lrh@lrh.is>
Cc: Glóey Helgudóttir Finnsdóttir <Gloey.Helgudottir.Finnsdottir@reykjavik.is>; Guðbjörg Lilja Erlendsdóttir <Gudbjorg.Lilja.Erlendsdottir@reykjavik.is>; Rakel Elíasdóttir <Rakel.Eliasdottir@reykjavik.is>; Árni Friðleifsson <arni.fridleifsson@lrh.is>
Subject: RE: Samþykki lögreglu vegna nýrra reglna um notkun stöðureita og gjaldtöku í Reykjavík

Sæll Guðmundur.

Fyrir hönd Lögreglustjórans á höfuðborgarsvæðinu samþykkjum við erindið og þau drög að reglum sem þeim fylgja með vísan í 2. mgr. 86. gr umferðarlaga nr. 77/2019.

Guðbrandur Sigurðsson

Aðstoðaryfirlögregluþjónn

Umferðardeild

gudbrandur.sigurdsson@lrh.is



[UM ÁBYRGÐ Á TÖLVUPÓSTI](#)

Lögreglustjórinn á höfuðborgarsvæðinu

Hverfisgötu 113-115

105 Reykjavík

Lrh@lrh.is

[4441000](tel:4441000)



TRAUST – FAGMENNSKA – ÖRYGGI

From: Guðmundur Birkir Guðmundsson <Gudmundur.Birkir.Gudmundsson@reykjavik.is>
Sent: 04. nóvember 2021 13:42
To: Guðbrandur Sigurðsson <gudbrandur.sigurdsson@lrh.is>; Vigdís Þóra Sigfúsdóttir

<Vigdís.Thora.Sigfusdottir@reykjavik.is>; LRH:Fyrirspurnir <lrh@lrh.is>

Cc: Glóey Helgudóttir Finnsdóttir <Gloey.Helgudottir.Finnsdottir@reykjavik.is>; Guðbjörg Lilja Erlendsdóttir <Guðbjorg.Lilja.Erlendsdottir@reykjavik.is>; Rákel Elíasdóttir <Rakel.Eliasdottir@reykjavik.is>; Árni Friðleifsson <arni.fridleifsson@lrh.is>

Subject: RE: Samþykki lögreglu vegna nýrra reglna um notkun stöðureita og gjaldtöku í Reykjavík

Sæll aftur, Guðbrandur.

Gætir þú staðfest fyrir okkur, sbr. samtal, að reglurnar séu samþykktar fyrir hönd lögreglustjóra?

Kveðja,

Guðmundur B. Guðmundsson

Skrifstofa samgöngustjóra og borgarhönnunar

Sími/Tel.: +354 411 1111

gudmundur.birkir.gudmundsson@reykjavik.is



Umhverfis- og skipulagssvið Reykjavíkurborgar
Borgartúni 12–14, 105 Reykjavík
www.reykjavik.is

From: Guðbrandur Sigurðsson <gudbrandur.sigurdsson@lrh.is>

Sent: fimmtudagur, 28. október 2021 13:41

To: Vigdís Þóra Sigfúsdóttir <Vigdís.Thora.Sigfusdottir@reykjavik.is>; LRH:Fyrirspurnir <lrh@lrh.is>

Cc: Glóey Helgudóttir Finnsdóttir <Gloey.Helgudottir.Finnsdottir@reykjavik.is>; Guðmundur Birkir Guðmundsson <Guðmundur.Birkir.Gudmundsson@reykjavik.is>; Guðbjörg Lilja Erlendsdóttir <Guðbjorg.Lilja.Erlendsdottir@reykjavik.is>; Rákel Elíasdóttir <Rakel.Eliasdottir@reykjavik.is>; Árni Friðleifsson <arni.fridleifsson@lrh.is>

Subject: RE: Samþykki lögreglu vegna nýrra reglna um notkun stöðureita og gjaldtöku í Reykjavík

Sæl Vigdís.

Við gerum ekki athugasemdir við erindið.

Guðbrandur Sigurðsson

Aðstoðaryfirlögregluþjónn

Umferðardeild

gudbrandur.sigurdsson@lrh.is



[UM ÁBYRGÐ Á TÖLVUPÓSTI](#)

**Lögreglustjórinn á
höfuðborgarsvæðinu**

Hverfisgötu 113-115
105 Reykjavík

lrh@lrh.is

[4441000](tel:4441000)



TRAUST – FAGMENNSKA – ÖRYGGI

From: Vigdís Þóra Sigfúsdóttir <Vigdís.Thora.Sigfusdottir@reykjavik.is>

Sent: 28. október 2021 13:15

To: Guðbrandur Sigurðsson <gudbrandur.sigurdsson@lrh.is>; LRH:Fyrirspurnir <lrh@lrh.is>

Cc: Glóey Helgudóttir Finnsdóttir <Gloey.Helgudottir.Finnsdottir@reykjavik.is>; Guðmundur Birkir Guðmundsson <Guðmundur.Birkir.Guðmundsson@reykjavik.is>; Guðbjörg Lilja Erlendsdóttir <Guðbjorg.Lilja.Erlendsdottir@reykjavik.is>; Rákel Elíasdóttir <Rakel.Eliasdottir@reykjavik.is>
Subject: Samþykki lögreglu vegna nýrra reglna um notkun stöðureita og gjaldtöku í Reykjavík

Góðan dag

Reykjavíkurborg er að setja nýjar reglur um notkun stöðureita og gjaldtöku og eru drögin meðfylgjandi. Samkvæmt 2. mgr. 86. gr. umferðarlaga þarf samþykki lögreglunnar í Reykjavík og því er óskað eftir slíku samþykki.

Með kveðju,

Vigdís Þóra Sigfúsdóttir

Lögfræðingur, skrifstofu sviðsstjóra

Sími/Tel.: +354 411 1111 / 411 1111

vigdis.thora.sigfusdottir@reykjavik.is



Umhverfis- og skipulagssvið Reykjavíkurborgar
Borgartúni 12–14, 105 Reykjavík
www.reykjavik.is

Reglur um trúnað í tölvupóstsamskiptum: <http://www.reykjavik.is/trunadur>

Leiddu hugann að umhverfinu áður en þú prentar út þennan tölvupóst. Prentaðu á báðar hliðar í svarthvítu ef nauðsyn krefur.

Reglur um trúnað í tölvupóstsamskiptum: <http://www.reykjavik.is/trunadur>

Leiddu hugann að umhverfinu áður en þú prentar út þennan tölvupóst. Prentaðu á báðar hliðar í svarthvítu ef nauðsyn krefur.